



GRAIY'NAIDGES
DAINS LOU PATOIS DE TCHIE NÔS
YIVRE II



UNION DES PATOISANTS EN LANGUE ROMANE

INDEX

- Michel FREYBURGER P. 1
- Pascal GILLIOTTE P.36
- Daniel HAZEMANN P.41
- Andrée JACQUET P. 51
- Michel LENTZ P. 60
- Marc MARION P. 91
- Jacques MARSOT P.108
- Eric MATTHEY P.113
- Pierre MATHIOT P. 128
- Monique VUILQUEZ-MOLÈS P.178
- Gabriel MOUGEY P. 198
- Pierre PETIT P. 213
- René PIERRE P.233
- PRÂDGES Â MÔTIE P.275
- Serge PRÉTAT P.286
- Bernard RENAUDE P. 296
- Roland VITTOT P.311
- Bernard VOISINET P.316



LO VASE DÈ SOISSONS

Çola s'péssa a y é bin di temps, entre les doûes diérres. Dains c'temps lai les afaints allint è l'équeule d'junqu'ô çartificat d'études. Lo Bac éta in luxe, a peus on ne djosa pé dè Bac + cinq ou chè !

Aidonc, in d'jouè dans in v'laidge di Territoire dè Bêfô, l'inchpecteur vint in bê matin po fare sa b'signe. A vait vôte l'instituteur, a peus al y d'mainde tiu qu'ôt lo moillou élève en hichtoire. L'instituteur y môtte lo p'tèt François qu'ôt chiti ô premie rang. L'inchpecteur s'aippreutche a peus d'mainde â François : « Dis m'vôte, mon p'teu, at-c'què t'peux m'dire tiu qu'è cossa lo vase dè Soissons ? » Lo p'tèt François ne dit ran. L'inchpecteur : « te n't'en raivise pus ? T'és bin aippris çola en hichtoire ? » Lo François s'bote à cria ; et peus a dit « ç'n'ot pé moi M'sieu ».

In pô churpris, l'inchpecteur sè r'vire vé l'instituteur d'in are interrogateur. C'tu ci épreûve dè justifia François : « Ecouta, M'sieu l'inchpecteur, y tiunios bin François, y tiunios bin son père, qu'ot l'mare di v'laidge. Si a vôt dit què c'n'ôt pé lu, c'n'ôt churement pé lu ! » L'inchpecteur réchte sains vôte, a peus prend tiètyes notes, a peus aipré a prend condji.

Lo soi, a fât son rapport ô rectorat, tchu son inspection di matin. Heute d'jouès pus tâd : réponse di rectorat : « Neus ans bin r'çi veut' rapport, mâ rensouègnements pris, les vêtes étaint preutches, neus pensans qu'a vôt meus en réchta là. Aidonc, ci- jouè in mandat dè dous ceints francs : Ach'ta in âtre vase ! ».

P'TÊTE RIÔLE

Çola se pessa a y ai bin longtemps. La Mére Ionie éta vove, alle vitia peurement. Alle ava son tiètchi, tiètyes djerennes, tiètyes lapins, dous tchivres, a peu chutot in bouetcho qu'alle appela « Abraham ».

Alle y tinia mo a la prunelle de ses uyes, vu qu'a rappotcha tiètyes sous : tos les dgens di v'ladge am'nint lu tchivres à tchotchie.

In bè djouè Abraham o tcho malade, a ne mindja prèteye pu, a respira fô, al ava lo mors to tchô.

Ionie, déseula, è appela lo vétérinaire ; çtu-ci, apré « oscultâtion » « diagnostica » ène brontchite.

A dit à Ionie « a fora lo t'ni ô tchô tiètyes temps »

- Qu'a c'la tigne, dit Ionie, y m'en va l'bota dans ma tchambre.
- Dans veute tchambre ! Mâ veu n'y pensa pouè ! a peu la sentou ?....
- La sentou ? O bin, a vu bin s'y fare !
-